

■ **KENANA MUSLIĆA**, ■ rođenog ■ 1979. godine u Sarajevu, ■ državljanina BiH, ■

■ **AHMETA KULOVIĆA**, zvanog „Kula“ i „Kulo“, ■ rođenog ■ 1957. godine u ■ Gorazdu, ■ državljanina BiH, ■

■ **ADISA ŠAKOVIĆA**, zvanog „Šaka“, ■ rođenog ■ 1980. godine u Sarajevu, ■ državljanina BiH, ■

Što su:

Naim Džaferović, Muamer Velić, Kenan Muslić, Ahmet Kulović i Adis Šaković, zajedno

Djelujući kao pripadnici organizovane grupe za krijumčarenje ljudi, u smislu člana 1. stav 20. KZ BiH, u periodu od 12.07.2023.godine do 07.10.2023. godine, zajedno sa ostalim, njima poznatim pripadnicima, organizovane grupe i organizatorima krijumčarenja, njima poznatim licima među kojima su bile osobe strani državljani ■ i drugi, koja grupa radi ostvarivanja protivpravne imovinske koristi, djeluje na području Bosne i Hercegovine i zemalja Europske unije, postupajući protivno članu 6. Protokola protiv krijumčarenja migranata kopnenim, morskim i vazдушnim putem kojim se dopunjuje Konvencija UN protiv transnacionalnog organizovanog kriminala („Sl. glasnik BiH“, br. 3/02) i članu 7. stav 2. Zakona o graničnoj kontroli („Sl. glasnik BiH“, br. 53/09, 54/10 i 47/14), protivno članu 8. i članu 15. Zakonu o strancima („Službeni glasnik BiH“, broj: 88/15, 34/21 i 63/23), a ovo sve na način da su postupali po unaprijed isplaniranim i podijeljenim ulogama za njima poznate iznose novca, vršili organizovano krijumčarenje ljudi, na način da je Naim Džaferović, zajedno sa drugim članovima grupe Muamerom Velićem,

Kenanom Muslić, i Adisom Šakovićem, sam i zajedno sa njima, učestvovao u preuzimanju migranata koji su prokrijumčareni u BiH, tako što su vozilima odlazili u pogranični pojas Bosne i Hercegovine i Republike Srbije i Crne Gore, uglavnom na područje Bratunca, Goražda i Čajniča, potom preuzimali migrante koji su čamcima prešli rijeku Drinu i vršili njihov prevoz na područje Sarajeva i Goražda, gdje ih smještaju sve do organizovanja njihovog daljnjeg krijumčarenja za Republiku Hrvatsku i dalje za zemlje EU, dok je osumnjičeni **Ahmet Kulović** krijumčarene prevežene migrante smještao na području Goražda, a potom sa **Naimom Džaferovićem** dogovarao njihovo preuzimanje i daljnje krijumčarenje, nakon čega bi osumnjičeni **Naim Džaferović, Muamer Velić, Kenan Muslić i Adis Šaković** i druge njima poznate osobe, vozilima vršili prevoz migranata dalje na relaciji Goražde i Sarajevo prema pograničnom pojasu sa Republikom Hrvatskom, gdje zatim migrante predaju njima poznatim licima koja dalje vrše njihovo prebacivanje preko rijeke Save i vrše njihov prevoz preko teritorija Republike Hrvatske do krajnjih destinacija u zemlje Europske unije, čime su učestvovali u krijumčarenju preko 150 migranata, svjesni da se radi o krijumčarenim licima i da iste prevoze radi njihovog daljnjeg nezakonitog prelaska za zemlje EU, odnosno iste smještali u objekte i omogućavali im boravak do organizovanja daljeg krijumčarenja, a sve u namjeri pribavljanja protupravne imovinske koristi, te je pri tome osumnjičeni **Naim Džaferović** putem telefona ostvarivao kontakte sa drugim članovima grupe **Muamerom Velićem, Kenanom Muslićem, Adisom Šakovićem** i sa drugim njemu poznatim licima koja su vršila krijumčarenje ljudi i prevoz migranata, kao i sa osumnjičenim **Ahmetom Kulovićem** i sa istim dogovarao preuzimanje migranata koristeći šifre „kanister“, „rakija“, „kukuruz“, „bušilica“, „hiltovka“, kojim su označavani migranti i krijumčarena lica koja je prihvatao i smještao osumnjičeni Ahmet Kulović u svojoj kući [REDACTED] u Goraždu, nakon čega je osumnjičeni Naim Džaferović sam i zajedno sa ostalim osumnjičenim, krijumčarena lica preuzimao od Ahmeta Kulovića u Goraždu i prevozili ih do Sarajeva, a nakon toga u pogranična područja prema Republici Hrvatskoj, da bi osumnjičeni **Naim Džaferović** dana 06.10.2023.godine na području Gradiške bio zaustavljen sa vozilom Tiguan, registarskih oznaka [REDACTED] u prevozu četiri lica afroazijskog porijekla i to dva državljana Pakistana [REDACTED], državljana Afganistana [REDACTED], i jednog državljana Indije [REDACTED], nakon čega je isti lišen slobode od strane službenika Državne agencije za istrage i zaštitu, dok je osumnjičeni **Ahmet Kulović** u kući [REDACTED] u Goraždu vršio prihvati i smještaj krijumčarenih lica, te omogućavao boravak krijumčarenim licima migrantima i dogovarao sa osumnjičenim Naimom Džaferovićem njihovo daljnje preuzimanje i prevoz te krijumčarenje za zemlje EU, da bi dana 07.10.2023.godine prilikom pretresa kuće osumnjičenog **Ahmeta Kulovića** pripadnici Državne agencije za istrage i zaštitu pronašli krijumčarena lica migrante državljanke Pakistana, [REDACTED], a osumnjičeni **Adis Šaković**, nakon što je od članova grupe dobio zadatak da preuzme krijumčarena lica, dana 16.08.2023.godine oko 15,30 sati u vozilu Toyota RAV 4, registarskih oznaka broj [REDACTED], a koje je koristio Naim Džaferović i koje vozilo je bilo praćeno GPS uređajem, na području Višegrada u graničnom pojasu, a po prethodnom dogovoru sa ostalim članovima grupe, na njemu poznatoj lokaciji u blizini granice BiH i Crne Gore na području Čajniča preuzeo šest državljana Pakistana i to: [REDACTED], a koji su nezakonito prešli državnu granicu sa BiH iz pravca Crne Gore, i iste u namjeri daljeg nezakonitog prebacivanja za zemlje EU, primio u vozilo, nakon čega je isti zatečen od strane pripadnika Granične policije BiH i lišen slobode.

II Muamer Velić, sam

Dana 07.10.2023. godine osumnjičeni **Muamer Velić** [REDACTED] Sarajevo, neovlašteno posjedovao opojnu drogu, suprotno odredbi člana 4. Zakona o sprečavanju i suzbijanju zloupotrebe opojnih droga BiH, neovlašteno kod sebe posjedovao opojnu drogu „Cannabis“ u količini od 0,199 grama koja se nalazila u roznoj PVC kutijici, a koja je pronađena kod osumnjičenog i ista je privremeno oduzeta od strane policijskih službenika Državne agencije za istrage i zaštitu.

Dakle, da su

Naim Džaferović, Muamer Velić, Kenan Muslić, Ahmet Kulović i Adis Šaković u namjeri pribavljanja protupravne imovinske koristi postali pripadnici grupe ili drugog udruženja za izvršenje krivičnog djela Krijumčarenje migranata, a radi prihvata, prevoženja i omogućavanja boravka krijumčarenih lica u BiH, a Muamer Velić i neovlašteno posjedovao opojnu drogu.

Čime su

Počini krivično djelo Organizovanje grupe ili udruženja za izvršenje krivičnog djela Krijumčarenje migranata iz člana 189a. stav 2. KZ BiH u vezi sa krivičnim djelom Krijumčarenje migranata iz člana 189. stav 1. i 2. KZ BiH i sve u vezi sa članom 29. i 53. istog Zakona, a Muamer Velić i krivično djelo Posjedovanje i omogućavanje uživanja opojnih droga iz člana 239. stav 3. KZ F BiH.

T U Ž I L A C
TUŽILAŠTVA/TUŽITELJSTVA BiH